



## Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De sacerdote de Deytkirchin, qui in obitu suo multitudinem vidit  
daemoniorum. Item probatio quòd plures sint homines, quàm daemones  
cap. 8.

**urn:nbn:de:hbz:466:1-13177**

Circa  
malum  
sacerdo-  
tem mo-  
ribundū  
mūltis de-  
monis.

**I**N Deytkirchet sanctimonialiū monasterio, quod in oppido Bonnensi situm est, sacerdos quidam defunctus est, Adolphus nomine, vir valde secularis & lubricus, iam dicti monasterij plebanus; hic, sicut mihi retulit quidam sacerdos, qui fuerat Bonnensis Canonicus, cùm die quadam cum suo cognato quodam iuderet in aleis, quidam ex parochianis eius flens superuenit, & ut matri suæ confessionem audire, eamque communicare dignaretur, humiliter & cum lacrymis supplicauit. Respondente sacerdote: Non veniam nisi expleto ludo, & ille instaret, afferens infirmam expectare non posse, commotus sacerdos secum iudenti dixit: Cognate, ego conqueror vobis de homine isto, qui me quiescere nō sinit. Vides se ille nihil proficere, tristis ac gemens discessit, & infirma sine confessione, atque viatico, ab hac luce migravit. Die autem tertio, is qui cum sacerdote lusserat, defunctus filio occurrit, & sacerdotis querimoniæ recordatus, illum sine causa occidit. Post hæc, & alia peccata plutima, sacerdos idem peremptoriam incidit infirmitatem, qui cùm esset in desperatione, quædam cognata eius sedens coram illo, cùm signum contritionis vidit in eo nullum, tristis sic ait: Domine, debilis estis valde, præparate vos propter Deum, inuocate illum, vt peccata vestra vobis dimittat, & spatium adhuc fructuose pœnitentiæ concedat. Ad quod ille desperatus respondit: Vides horreum illud magnum ex opposito nostri? non sunt in eius tecto tot calami, quot sunt circa me dæmones congregati. Et hoc dicto, mox agonizans, expirauit, eos vides adesse moriturus quorum consilio vixerat sanus. Multa tibi de multitudine dæmonum dicere possem, sed usque ad duodecimam distinctionem illud reseruo. **A P O L L O N I V S :** Cùm malè viuendo multos habeant dæmones incentores, multos in morte accusatores, miror si tot in pœnis habitari sint singuli tortores. **C A S A R I V S :** Suprà distinctione prima capitulo xxxij. dictum est de Abate Morimundense, quod dæmones animam ad locum

et pœnarum portantes cruciauerunt. Similiter distinctione secunda cap. vi. Hildebrandus latro Bertholphi post mortem apparens, multa milia dæmonum dicebat animam suam foris præstolari. APOLLONIVS:  
Si hæc ita se habent, certum est plures esse dæmones quam homines malos. CÆSARIUS: Quantum ad præ-  
sens tempus, quæstionis huius solutionem scire non possumus; sed certum habemus, quod in fine mundi, quando completus fuerit reproborum numerus, multo plures erunt mali homines, quam dæmones. APOL-  
LONIVS: Vnde hoc probatur? CÆSARIUS: Decima pars angelorum cecidit, ex quibus dæmones facti sunt. Teste beato Gregorio: Tot ascensi sunt ex electis hominum, quot ibi angeli remanserunt: secundum hoc, nouem partibus numerus hominum electorum, trascendet numerum dæmoniorum. Quis ergo dubitat, quin incomparabiliter plures sint homines mali, quam boni? Nec in hoc mali homines aliquā recipient consolationem, quod numero longè plures erunt dæmonibus; quia tanta est illorum naturalis potentia, tanta contracta malitia, tanta torquendi industria, ut unus multis milibus hominum in pœnis adhibendis sufficere possit. Hæc de multitudine malignorum spirituum dicta sint. Quod autem incomparabiliter mali sint & immisericordes, varijs tibi pandam exemplis.

## CAPVT IX.

Dæmon quidam, cum hominem à se obfessum horribiliter torqueret, & diuersis, per os eius garriendo, diuersa responderet, dictum est ei à quodam ex circumstantibus: Dic diabolo, si posses ad gratiam in qua fuisti redire, quid velles propter hoc laboris sustinere? respondit ille: Si hoc esset in meo arbitrio, mallem, cum una anima decepta descendere in infernum, quam redire in cœlum. Mirantibus omnibus cur ita diceret, iterum hoc verbum respondit: Quid de hoc miramini? Tanta est malitia mea, ut non possim aliquid velle boni. Huic verbo alterius cuiusdam dæmonis sermo discordat.

*De malitia dæmonum.*